

**Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliap**

**Ilinniartut Kalaallit Nunaata avataani ilinniartut naammassereernerмик kingorna ukiut  
qulit angullugit Kalaallit Nunaannut uteqqittannginnerat kiisalu ilinniartut  
naammassereerlutik Kalaallit Nunaannut uteqqikkumasannnginnerannut pissutaasut  
pillugit misissuinissamut aallartitseqqullugit Naalakkersuisut peqquneqarnissaannik  
Inatsisartut aalajangiiffigisassaattut siunnersuut. Misissuinerup kinguneranik  
uterartitsinissaq pillugu iliuusissamik pilersaarusiortoqassaaq, kalaallit ilinniartut  
naammassereerlutik Kalaallit Nunaannut uteqqittarnissaminnut  
kajumissuseqalernissaannut kammattuutaasussamik.  
(Inatsisartuni Demokratit ilaasortaataannit saqqummiunneqartoq)**

**Pillugu**

**ISUMALIUTISSIISUTAA**

**Siunnersuutip aappassanneerreqarnerani tunniunneqartoq**

Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliap suliaqarnermini makkuninnga inuttaqarpoq:

Inatsisartunut ilaasortaq Vivian Motzfeldt, Siumut, siulittaasoq  
Inatsisartunut ilaasortaq Peter Olsen, Inuit Ataqtigii, siulittaasup tullia  
Inatsisartunut ilaasortaq Suka K. Frederiksen, Siumut  
Inatsisartunut ilaasortaq Poul Hansen, Demokratit  
Inatsisartunut ilaasortaq Mimi Karlsen, Inuit Ataqtigii

Ulloq 5. november 2015 siunnersuutip siullermeerlugu oqallisigineqarnerata kingorna  
siunnersuut Ataatsimiititaliamit misissorneqarpoq.

**Siunnersuutip imarisaa siunertaalu**

Siunnersuutip siunertaraa kalaallit Danmarkimi nunanilu allani ilinniareernerмик kingorna  
qanoq amerlatigisut nunatsinnut utertarnersut qulaajassallugu. Misissuinerמי  
kissaatigineqarpoq ilinniartut ilinniakkamik naammassisaqarnerמי kingorna ukiut qulit  
ingerlaneranni qassit nunatsinnut utertarnerisa qulaajarneqarnissaa. Sooq ilinniagaqartut  
ilaasa utinninnissaq qinertarneraat tamatumunnga ilanngullugu misissorneqassasoq  
siunnersuuteqartup kissaatigaa. Kalaallinik Danmarkimi nunaniluunniit allani

ilinniareernermik kingorna nunatsinnut uterartitsinissaq pillugu iliussissatut pilersaarusiortoqarnissaa misissuinermi siunertarineqarpoq.

### **Siunnersuutip inatsisartuni siullermeerneqarnera**

Siunnersuutip siullermeerneqarnerani siunnersuut Partiinit tamanit Naalackersuisunillu tapersersorneqartoq ataatsimiititaliamit maluginiarneqarpoq.

### **Siunnersuutip ataatsimiititaliamit suliarineqarnera**

Taasissutissatut siunnersuut ersarippoq paatsoorneqarsinnaananilu kiisalu allaffissornikkut aningaasatigullu kingunissai siunnersuutip tunngavilersorneqarnerani tamakkiisumik allaaserineqarsimasorinarlutik.

Ilaatigut siunnersuummut matumunnga Naalackersuisut akissuteqaataanni ataatsimiititaliamit maluginiarneqarpoq Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfik ilinniartitaanerup iluani misissuinerpassuarnik ingerlatsisimasoq. Taakkua saniatigut immikkoortortaqrarfiit allat amerlasuut Kalaallit Nunaanni ilinniartitaanermut tunngasunik misissuisarsimapput.

Ilinniartitaanermut immikkoortortaqrarfimmi suliniutinut, - suliniutinullu allanut tunngavissat ineriartortinneqartuarnissaannut sukulluunniit ataatsimiititaliamit tapersersorneqartuarpoq. Taamaattorli ataatsimiititaliamit kaammattuutigineqassaaq misissuinerit, kisitsisit atorlugit nalunaarutit, nassuiaatit allallu annertunerusumik atorneqarnissaat katersorneqarnissaat eqqaamaneqarnissaallu. Taamaalillutik atortut katersaannaassanngillat akisoorsuit politikikkut oqallinnermi atugassatut ataasiakkaarlugit tigullugit misissorneqartartussat. tamanna aamma Naalackersuisunut misissuinissamut nalunaarusiornissamullu Inatsisartut peqqusisarneranut atuuppoq.

Naalackersuisoqarfiup sulinerminut atatillugu annertussussaa apeqquataatinnagu misissuinermit nalunaarusiornermullu atortut atortaraat ataatsimiititaliamit qularineqanngilaq. Minnerunngitsumilli ataatsimiititaliamit kaammattuutigineqassaaq misissuinerit nalunaarusiallu annertunerusumik atorneqartarnissaat, imminnut sanillersuunneqartarnissaat, ineriartortinneqartarnissaat, ingerlateqqinneqartarnissaat kiisalu minnerunngitsumik tamanut saqqummiunneqarlutik ilisimatuunut allanullu soqutiginnissinnaasunut tunniunneqartarnissaat. (tamanut saqqummiussinermit soorunami naatsorsuutigineqarpoq atortut inunnut paasissutissanik imaqqanngitsuinnaat saqqummiunneqartarnissaat).

**Siunnersuutip aningaasatigut kingunissai**

Inatsisartut suleriusaanni § 33 imm. 1-mi allassimavoq aalajangiussassatut siunnertuutip piviusunngortinnissaanut kingunissaritinneqartut siunnersuutip tunngavilersuutaanut ilanngunneqarsimassasut.

Siunnersuutip piviusunngortinneqarnerani aningaasatigut kingunissaritinneqartut AC-tut atorfilimmut marluk sulinermik naleqassasoq naatsorsuutigineqartoq ataatsimiititaliamit maluginiarneqarpoq . Aningaasanngorlugu 1. Mio. kr. naleqassangatinneqartoq, tassa naatsorsuutigineqarluni ilinniagaqartut peqatigiiffiisa sulinermit peqataatinneqarnerat. Ukiunut naatsorsuineq taanna siunnersuutip avinneqarsimaneranut marlunnut, misissuinermit aamma iliusissatut pilersaarummut atugassatut naatsorsuutigineqarpoq.

**Ataatsimiititaliamit inassuteqaat**

Siunnersuutip **akuersissutigineqarnissaa** **ataatsimiititaliamit** **isumaqatigiittumit** inassutigineqarpoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.

---

Vivian Motzfeldt,  
Siulittaasoq

---

Peter Olsen, Siulittaasup  
tullia

---

Suka K. Frederiksen

---

Poul Hansen

---

Mimi Karlsen